

PENERANGAN MENGENAI PRINSIP, PENYEMBELIHAN HALAL



Siaran Akhbar dan Foto : Universiti Islam Sultan Sharif Ali

BANDAR SERI BEGAWAN, Sabtu, 10 April. - Dalam usaha memberikan kesedaran dan penerangan mengenai prinsip halal dan penyembelihan halal kepada orang ramai, Universiti Islam Sultan Sharif Ali (UNISSA) melalui Pusat Penyelidikan Halalan Thayyiban (PPHT) mengadakan Program Halalan Thayyiban Awareness Day (Hari Kesedaran Halalan Thayyiban).

Hadir selaku tetamu kehormat, Penolong Rektor (Hal Ehwal

Pelajar dan Alumni), Dr. Hajah Lilly Suzana binti Haji Shamsu.

Berucap pada majlis perasmian tersebut, Ketua Program Siswazah di PPHT selaku Pengerusi Majlis, Dr. Zeiad Amjad Abdulrazzak Aghwan, antara lain mengongsikan program yang julung kali diadakan itu adalah sangat penting bagi menyampaikan maklumat terperinci kepada orang awam mengenai Aspek Halal dan Kepentingan Thayyiban dalam Proses Penyembelihan Haiwan.

PENOLONG Rektor (Hal Ehwal Pelajar dan Alumni), Dr. Hajah Lilly Suzana binti Haji Shamsu (tengah) pada Program Halalan Thayyiban Awareness Day (Hari Kesedaran Halalan Thayyiban).

Pelajar merupakan aset yang penting dalam sesebuah institusi pengajian tinggi.

Dalam era ledakan teknologi masa kini dan perkembangan ilmu pengetahuan yang semakin mencabar, pelajar dituntut untuk mempersiapkan diri dalam menangani cabaran dan isu yang berkaitan dengan halal.

Majlis yang diumumkan oleh pelajar Halal Science, PPHT itu dihadiri oleh seramai 22 kumpulan pelajar, mempamerkan projek masing-masing, terdiri daripada Mahasiswa Tahun 2 dan 3 Bachelor of Halal Science juga Master of Halal Science.

Pameran merangkumi kaedah pengendalian haiwan di ladang, pengendalian sebelum penyembelihan, proses penyembelihan, pengendalian daging selepas penyembelihan, prosedur penyembelihan daripada agama lain, pengembangan rumah penyembelihan Brunei dan rancangan penambahbaikan masa depan.

Pameran turut dikunjungi oleh pensyarah dan pelajar dari Institut Pengajian Tinggi tempatan.

Ketahui tindakan hadapi insiden kebakaran

Siaran Akhbar dan Foto :
Jabatan Bomba dan Penyelamat



PRAKTIKAL bagi tatacara penggunaan alat pemadam api dengan cara yang betul.

BANDAR SERI BEGAWAN, Sabtu, 10 April. - Seramai 10 kakitangan Polygel Organometallic (B) Sdn. Bhd. mengikuti Kursus Fire Marshal selama tiga hari bermula pada 5 hingga 7 April 2021, baru-baru ini, di Balai Bomba Rimba.

Kursus tersebut dikendalikan oleh Bahagian Perhubungan Awam, Cawangan Operasi 'C', Jabatan Bomba dan Penyelamat (JBP).

Sepanjang kursus dijalankan, para peserta didedahkan mengenai pentingnya keselamatan kebakaran secara teori dan praktikal dengan mempelajari akan sebab dan punca berlakunya kebakaran, mengetahui akan tindakan apabila menghadapi insiden kebakaran di tempat kerja dengan membuat latihan pengosongan bangunan secara bersistematik juga menjalani praktikal bagi tatacara penggunaan alat-alat pemadam api dengan cara yang betul dan tatacara untuk menyelamatkan diri daripada terperangkap di dalam bangunan bila berlakunya kebakaran.

JBP ada menyediakan program-program keselamatan, seperti Taklimat Keselamatan Umum Life Saver 995 dan Kursus Fire Marshal bagi mengetahui aspek-aspek keselamatan semasa menangani kecemasan serta mengetahui tatacara yang betul bagi penggunaan alat pemadam api.

Jika berlaku sebarang insiden, hubungi Talian Kecemasan Bomba 995 dan berikan maklumat tepat.

Tingkat kesedaran bahaya kebakaran



LATIHAN Kebakaran dan Pengosongan Bangunan yang dilakukan oleh Guru dan Murid Sekolah Nusa Laila Puteri, Kampung Sungai Buloh.

Siaran Akhbar dan Foto :
Jabatan Bomba dan Penyelamat

BANDAR SERI BEGAWAN, Sabtu, 10 April. - Jabatan Bomba dan Penyelamat (JBP) menerusi Bahagian Perhubungan Awam, Cawangan Operasi 'A' mengadakan Taklimat Keselamatan Kebakaran dan Latihan Pengosongan Bangunan kepada 215 guru dan murid Sekolah Nusa Laila Puteri, Kampung Sungai Buloh, pada 8 April lalu.

Taklimat tersebut diterapkan bagi perbarigian dan meningkatkan kesedaran mengenai bahaya kebakaran kepada guru-guru dan murid-murid sekolah di samping memupuk rasa bertanggungjawab dan mengambil berat tentang aspek-aspek keselamatan kebakaran. Di samping itu juga, guru dan murid sekolah tersebut diberikan tunjuk ajar yang betul tatacara

penggunaan alat pemadam api dan selimut api.

Latihan Kebakaran dan Pengosongan Sekolah diadakan bersama 11 anggota dari Balai Bomba Mentiri untuk operasi memadam dan menyelamatkan mangsa.

Latihan Kebakaran dan Pengosongan Bangunan akan dibuat sekurang-kurangnya dua kali setahun bagi memastikan keberkesanan prosedur yang efektif dan bersistematik.

JBP ada menyediakan program-program keselamatan, seperti Taklimat Keselamatan Umum Life Saver 995 dan Kursus Fire Marshal bagi mengetahui aspek-aspek keselamatan semasa menangani kecemasan serta mengetahui tatacara yang betul bagi penggunaan alat pemadam api.

Jika berlaku sebarang insiden, hubungi Talian Kecemasan Bomba 995 dan berikan maklumat tepat.



INVITATION TO TENDER

The Authority for Info-communications Technology Industry of Brunei Darussalam (AITI) invites eligible tenderers to participate in the following project:

Develop, Conduct, Analyse and Producing the Report for ICT Survey for Individuals and Household and Businesses for the Year 2021

Project Reference	AITI/8/ICTSurvey2021
Information Day	TBC
Closing Date	Thursday, 22 April 2021 at 1:30pm
Document Fee (non-refundable)	BND 100.00
Total Fees Payable	BND 100.00

A summary of the scope of work can be viewed on our website under **Tenders and Quotations**.

The payment for Document Fee will be done either through online banking or bank transfer. Interested vendors can contact our procurement team via email at procurement@aiti.gov.bn for further queries.

This advertisement does not constitute an offer from AITI and is subject to the terms and conditions contained in the Invitation to Tender. AITI reserves the right to cancel this Invitation to Tender at its sole discretion. In these circumstances, AITI shall not be liable for any cost incurred in participating in this Invitation to Tender.